



5. Tschanteda dal cussagl cumünel in mardi, ils 12.3.2013 a las 15.00 in chesa cumünela S-chanf

Presidi: Duri Campell

Preschaints: Gian Andrea Bott, Ines Barblan, Gian Fadri Largiadèr, Paolo Bernasconi

Absaints:

Actuar: Duri Schwenninger

Tractandas:

- | | | |
|----|-------|---|
| 1. | | Protocol |
| 2. | 0.211 | Dumandas da fabrica |
| 3. | 7.100 | Schlargiamaint dals indrizs per l'alluntanaint da l'ova persa e pel provedimaint da l'ova potabla in Chauntaluf/ Foura Chagnöls, etappa 2/2013, credit fr. 1'800'000.00 |
| 4. | 7.100 | Schlargiamaint dals indrizs per l'alluntanaint da l'ova persa e pel provedimaint da l'ova potabla a Cinuos-chel/ Tulait, credit fr. 1'300'000.00 |
| 5. | 8.100 | Refer differentas vias da god, credit fr. 500'000.00 |
| 6. | 2.100 | Revaia da l'uorden da scoula |
| 7. | 0.110 | Adattamaints tschantamaints cumünels, part cussagl da scoula |
| 8. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 20 favrer 2013 vain approvo unanimamaing.

21 0.211 Dumanda da fabrica Angelini Vito, dumanda prolungiaziun permiss da fabrica, lavuors cuntuorns

Il cussagl piglia cugnuschentscha da la dumanda da prolungiaziun dal permiss da fabrica da l'an 2011 per ün nouv s-chudamaint sün parcella nr. 127 in Chauntaluf. Il motiv pel retard da las lavuors dals cuntuorns es, cha quellas lavuors dessan gnir fattas al medem temp cur cha la vschinauncha fo las lavuors da cuntuorns in connex cul schlargiamaint da l'infrastructura in Chauntaluf. Il cussagl decida unanimamaing da prolungir il permiss per ün an.

22 7.100 Chanalisaziun/sarinera
Schlargiamaint dals indrizs per l'allontanamaint da l'ova
persa e pel provedimaint da l'ova potabla in Chauntaluf/
Foura Chagnöls, etappa 2/2013, credit fr. 1'800'000.00

L'an passo s'ho cumanzo cun las lavuors da la prüm'etappa in connex cul schlargiamaint dals indrizs per l'allontanamaint da l'ova persa e pel provedimaint d'ova potabla in Chauntaluf/Foura Chagnöls. Quist an es previs da fer l'etappa da la chesa Melcher fin tar la chesa Quadri, e l'an chi vain in Foura Chagnöls. Previs es da cumanzer cun las lavuors la mited d'avrigl 2013. Ils cuosts d'investiziun per l'etappa 2/2013 sun previs i'l preventiv 2013 e tenor offertas inoltredas muntan quels sün fr. 1.8 miliuns. L'import es pü ot scu planiso oriund. Il cussagl decida unanimamaing da propuoner a la prosma radunanza cumünela da deliberer il credit ill'otezza da fr. 1'800'000.00.

23 7.100 Chanalisaziun/sarinera
Schlargiamaint dals indrizs per l'allontanamaint da l'ova
persa e pel provedimaint da l'ova potabla a Cinuos-chel/
Tulait, credit fr. 1'300'000.00

Per glivrer l'ultima etappa a Cinuos-chel es previs da fer quist an las lavuors in connex cul schlargiamaint dals indrizs per l'allontanamaint da l'ova persa e pel provedimaint da l'ova potabla a Cinuos-chel/Tulait. Impü es previs da schoglier il punct prievlus per peduns tar la via chantunela cun eriger da tuottas duos varts da la via ün marchapè ed üna strivla melna chi colia ils duos marchapès. A medem temp ho previs l'uffizi da construcziun bassa district 3, da refer la via chantunela d'Engiadina tres Cinuos-chel. Ils cuosts d'investiziun sun previs i'l preventiv 2013 e tenor offertas inoltredas muntan quels sün arduond fr. 1'300'000.00. Üna part dals cuosts vegnan surpiglios da l'uffizi da construcziun bassa. Il cussagl decida unanimamaing da propuoner a la prosma radunanza cumünela da deliberer il credit brüt ill'otezza da fr. 1'300'000.00

24 8.100 Forestel
Refer differentas vias da god, credit fr. 500'000.00

Differentas vias da god sun in ün nosch stedi e chaschunan adüna darcho reclamaziuns. Ad es previs quist e'l prossem an da refer la via da Susauna fin Pignaint per fr. 194'400.00, Punt Ota - Dros Bunom per fr. 160'400.00 e Prasüras - Punt da Scrigns per fr. 130'100.00. L'uffizi da god chantunel as partecipescha cun arduond 67% vi dals cuosts in fuorma da subvenziuns. La vschinauncha da Zuoz as partecipescha vi dals cuosts restants dal proget Susauna fin Pignaint cun 50% e vi dals cuosts per refer la via Prasüras - Punt da Scrigns cun 20%. Cun que restan a nossa vschinauncha cuosts d'arduond 20%, respectivamaing arduond fr. 100'000.00. Il cussagl decida unanimamaing da propuoner a la prosma radunanza cumünela da deliberer il credit brüt ill'otezza da fr. 500'000.00.

25 2.100 Scoula primara
Revaisa totela da l'uorden da scoula

Il cussagl vaiva tschernieu üna cumischiun chi ho la lezcha da mner tres üna revaisa totela da l'uorden da scoula, siand cha la nouva ledscha chantunela es gnida decissa ils 21 marz 2012. Impü vuless il cussagl da scoula optimizer l'organisaziun in scoula. Il muoster da l'uorden da scoula chantunel es gnieu surpiglio scu basa. La cumischiun ho inoltro al departamaint d'educaziun, cultura e protecziun da l'ambaint la proposta dal nouv uorden e quel ho examinò quel preliminar. Ils seguaints müdamaints essenziels sun gnies fat:

- La scoula primara dispuona d'ün mneder da scoula chi'd es la persuna da contact traunter la magistraglia e'l cussagl da scoula e chi ho la cumpetenza e l'oblig d'exeguir las lezchas surdedas seguond il quadern da dovairs. Quist quadern da dovairs fuorma üna part integrela dal contrat da servezzan individuel.
- Il cussagl da scoula as cumpuona da trais commembers. El vain mno dal president dal cussagl da scoula chi vain elet da la radunanza cumünela. Ultra da que as constituescha il cussagl da scoula sves (vicepresident e commember).
- Il depüto dal cussagl cumünel es automaticamaing commember dal cussagl da scoula.
- Il president dal cussagl da scoula ed ün commember dal cussagl da scoula vegnan elets illas tschernas cumünelas.

Zieva differents müdamaints decida il cussagl unanimamaing da propuoner a la prosma radunanza cumünela d'accepter la revaisa totela da l'uorden da scoula.

26 0.110 Legislativa

Adattamaints tschantamaints cumünels, part cussagl da scoula

Siand ch'id es gnieu fat üna revaisa totela da l'uorden da scoula es indispensabel d'adatter ils tschantamaints cumünels. Il cussagl piglia cugnuschentscha da l'adattaziun dals seguints artichels:

Artichel 11:

~~Cunter decisziuns dal cussagl cumünel e dal cussagl da scoula as po fer recuors in scrit a la radunanza cumünela infra 8 dis, scha ledschas superiuras nu prescrivan oter. (...)~~

Il dret da recuors cunter decisziuns e decrets dal cussagl cumünel as drizza tenor ledschas chantunelas, pustüt tenor la ledscha davart la giurisdicziun administrativa (LGA).

Artichel 12 :

La lingua ufficiela es rumauntsch ~~ladin~~ **puter**.

Artichel 18.4. i)

Al cussagl cumünel suprado da fer las seguintas tschernas e nominas :

- Ils impiegos e'ls funcziunaris cumünels, **exeptuo la magistraglia e'l mneder da scoula**

d. Il cussagl da scoula

Artichel 21

~~1. El as cumpuona da tschinch trais commembers e dal suprastant dal decasteri. Quist ultim ho vusch consultativa.~~

1. Nouv : El as cumpuona da trais commembers, inclus il depüto dal cussagl cumünel.

~~2. Al cussagl da scoula suprado l'administraziun scolastica.~~

2. Nouv : Al cussagl da scoula suprado la gestiun da la scoula i'l ram dal preventiv annuel.

3. El tscherna e licenzchescha ils magisters e las magistras **scu eir il mneder da scoula.**

~~4. El relascha ün uorden da scoula chi stu gnir approvo da la radunanza cumünela.~~

~~5. El ho l'incumbenza da pisserer per il bun uorden e la nettaschia aint ils locals da scoula.~~

Las incumbenzas e'ls dovairs as drizzan tenor l'orden da scola.

Ils adattaments sun gnies examinos preliminar da l'uffizi chantunal da vschinaunchas. Zieva cuorta discussiun decida il cussagl unanimamaing da propuner a la prosma radunanza cumünela d'accepter ils adattaments scu proposit.

27 9.999 Varia

Il cussagl piglia cugnuschentscha cha'l plaun directiv regiunal es entro in vigur cun l'approvaziun tes il cussagl da cumön ils 26 schner 2012 e tes l'approvaziun da la Regenza Grischuna dals 18 december 2012.

Il president infurmescha cha'l club da Retriever Svizzer maina tes ils 17 e 18 avuost 2013 darcho examens cun chauns d'appurter in Flin, cun las medemmas cundiziuns scu ils ans passos.

Il cussagl piglia cugnuschentscha da la missiva per la prosma radunanza cumünela chi ho lö ils 27 marz 2013.

A las 18.30 vain la tschanteda alveda.

In buna fè

L'actuar:
D. Schwenninger